



Fémli arde Góror bútoror Maramari

Fémli arde góror bútoror maramari ré Australíat kobul gorá noza.

Fémli arde Góror bútoror maramari ókkol kaanun or uldha jurúm.

Jurúm iin goréde manúic uggwá ziyól ót zaifare, tará uggwá beça óuk yá beçi óuk.

Zodi tuñí yá tuñí zanodé honíkka hótarat táke **000** nombór ót fulic dhako.

Australíar fulic héfazot óla ar biccác gorífare.

Maana, húfia mocuwara gorá arde maalumát ollá 1800RESPECT óre dhako **1800 737 732** nombór ót.

Zodi tuáñrtu maana torjuma goróya ekzon lage **131 450** ot dhako.

Australíar Hókumot (Australian Government) e fémli arde góror bútoror maramari ré zehonó háalot ókkol ót bordac nogoré.

Fémli arde góror bútoror maramarir bútoire bebaár yá dómki ókkol cámil asé ziyán ót pathnár uggwá ré dhor lagai yáto tarár héfazot oré dómki di konthróul goribélla niyot asé. Fémli arde Góror maramarir bútoire cámil aséde:

- bari maroon;
- gola siboon;
- pathnár yá fémli ré hámaká lagerdé thiañ no doon;
- pathnár óre dustó ókkol arde fémli'tú síra gorí rakóon;
- pathnár óre bura ára hoón yáto lagatar hosúri doon;
- pathnár óre séx goribélla bolazuri goróon, ar
- fuain yá falede janwar ókkol óre dhor lagoon.

Maiya ókkol óttu morot or dhóil ekku dhoilla hók asé.

Australíat aséde kaanun ókkol é maiya arde morot ókkol óre borabor bebáar goré.

Fottízon ottú gom lagibélla arde tarár fémli ókkol, dustó ókkol arde adoijja ókkol lói héfazoti taaluk óibella hók asé. Maramari honódin sóiyi noó. Honíkkar tú nuksan goréde yían kobul goróon no saá. . Maiya ókkol óttu hóraf bebaár yá duk faa kobul gorá no foribóu.

Australíat salsolon ot arhái-nofaréde hédmot ókkol asé ziyán é modot gorífare.

1800RESPECT óilde Australíar Koumi Jíns ór Hámla, Fémli arde Góror bútoror Maramarir Mocuwara hédmot (Australia's national sexual assault, family and domestic violence counselling service). Yían é kúfia telefún ar onláiin mocuwara arde maalumát ókkol maana de. Mocuwara douya ókkol é tuáñr hotá fúnibou, súal ókkol ór zuab dibou ar tuáñr mahállí zagat aséde oinno modot or hédmot ókkol ór éçe háwala gorí faribóu.

1800 737 732 nombór ót dhako yá **1800RESPECT** wébsáith ot zo **www.1800RESPECT.org.au**.

Tuáñrtu torjuma goróya ekzon lagibóu né?

Torjuma arde Hotá báñgidiyar Hédmot (Translating and Interpreting Service) ot koól goró (TIS)

131 450 nombór ót. TIS óttu hotá báñgidouya ekzon e tuáñre modot gorí faribóu oinno hédmot ókkol lói taaluk goribélla, mogor TIS é mocuwara diya nogoré. Koól beggún maana ar gufoniya.